

蔣金明, 1965年出生, 字懷文, 號白雲道人。中國書法家協會會員, 中華詩詞學會會員, 中國楹聯協會會員。原空軍司令部軍訓部部長、空軍特級飛行員。現任福建省住房和城鄉建設廳副廳長, 福建省政協書畫院特聘書法家, 復旦大學特聘導師。中國書法最高獎——「蘭亭獎」首屆得主。作品被中國文字博物館、榮寶齋、福建博物院、福建省美術館、遼寧省美術館等多家專業機構收藏。



詩書陶其幽懷 戎馬鑄其英氣

——蔣金明書法藝術管窺

書法立為一藝, 濫觴上古, 至今數千載矣。其間形體遞禪, 取尚縷遷, 逮魏晉方臻於善。然其間大成者, 則寥若晨星。所謂「學之者牛毛, 成之者麟角」也。究其由, 良師希求, 俊才難遇; 慧巧者雖眾, 砥礪者蓋寡。

凡英髦之士, 藻彩飛揚於世者, 則其神韻將鬱鬱然凝乎楮間也。推其理, 蘊藉沛然故也。琳琅苞其中者, 暉光洩其外也。孟子言「吾善養浩然之氣」, 韓退之言「咀嚼英華」是也。故右軍氣清, 蘭亭之序, 神朗情逸, 翩翩軒舉。魯公志貞, 祭侄之稿, 悲恨激越, 剛烈盈溢。東坡才膽, 寒食之詩, 恣肆淋漓, 超凡軼塵。然今者風殊時遷, 書道法脈雖廣續於民國, 蘊藉之士既式微於當代。

懷文道兄, 其人如玉, 蘊藉高華, 善繼武前修者。天稟卓異, 幼能鏃礪括羽, 臺臺於學。雖在軍旅, 未嘗釋卷。四十餘年浸潤於墳典, 涵泳於道藝。若其搏擊長空, 遨遊河漢, 摘星攬月, 則豈吾儕凡夫所企及哉? 蓋詩書陶其幽懷, 戎馬鑄其英氣, 九

天曠其境界, 故其於詩、詞、書、畫, 俱清朗俊逸, 歷落高妙也。

余嘗拜觀懷文之草書, 每為之傾倒。其於今草, 法踵鍾王, 神入魏晉, 筆酣而神逸, 或如飛龍夭矯, 或如逸驥駉駉, 得顛狂之妙, 而不失其雍容也; 其於章草, 尤深味其旨, 鎔鑄衛索, 自出機杼, 可以獨邁時倫矣。其書, 形閑而志馳, 如大野鶴列, 如秋空雁陣, 道麗而能古澹, 儼

整而能飄逸也。至於其神契於玄妙, 情寄於幽遠, 則非余之構味可管窺蠡測也。

漁樵謹識。 (林春升)

